

Dienelkander



Nuusbrief van die Gereformeerde Kerk Potchefstroom-Oos

28 Junie 2015

OGGENDDIENS: Ds. Karel

Skriflesing: Daniël 4

Teks: Daniël 4: 34 en 37

Tema: God se geduld met ons ongeloof.

Die boek Daniël is baie besonders, omdat dit vir die volk in ballingskap moes troos, maar deurdat daar vir hulle vertel is hoe God besig is om met die konings van die Mediërs en Perse te werk. God stap met elkeen van daardie konings `n pad, omdat daardie konings in werklikheid ook in diens van God gestaan het.

Kom ons kyk vanoggend na God se pad met een van hierdie konings - Nebukadnesar. In die preek gaan daar ook na die volgende gedeeltes in die boek Daniël verwys word: Daniël 1:2; 1:18-20; 2:10-12; 2:47; 3:15 en 4:30. Gaan lees gerus hierdie gedeeltes rustig deur by die huis.

Vooraf sang

Ps. 145-2: 2, 3, 7, 8

Ontmoetingsdiens

Intreelied en Votum Ps. 121-2: 1, 2; Seën;

Lofpsalm Ps. 99-2: 1, 2, 3, 4

Verootmoedigingsdiens

Wet: Deuteronomium 5: 6-21; Sing

Ps. 119-1: 51, 59 (Mel.: "Wat `n Vriend het ons in Jesus); Gebed

Woorddiens

Skriflesing; Woordverkondiging

Antwoorddiens

Geloofsbelijdenis (Apostolies);

Sing Sb. 12-3: 1, 2; Gebed; Liefdegawes;

Gebed vir BnB; Seën Sb. 19-3: 1, 2, 3, 4 (Mel. van Ps. 134); Amenlied Sb. 13-2.

AANDDIENS: Ds. Karel

Skriflesing: Daniël 8

Teks: Daniël 8:19

Tema: Beleef die wonderlike troos van God se tyd vir Sy koninkryk!

Die boek Daniël vertel ons nie net van God se pad met konings nie. Hierdie boek vertel ons - net soos die boek Openbaring - ook hoe God alle gebeure na `n sekere doel toe. Vir die Israeliete in ballingskap moes dit sekerlik `n wonderlike troos gewees het.

Ook in ons onsekere omstandighede kom hierdie troos na ons toe: God stuur alle gebeure op Sy tyd na `n sekere doel toe: die eer van sy Naam en die koms van Sy koninkryk. Kom ons vind saam uit hoe ons hierdie boodskap in Daniël 8 ontvang.

Voorafsang:

Sb. 2-2: 1, 3 en Ps. 105-2: 4, 5

Ontmoetingsdiens

Intreelied: Ps. 46-1:1; Votum; Seën; Lofpsalm: Ps. 46-1: 3, 4, 6; Gebed

Woorddiens

Sing Ps. 136-1: 1, 19 20; Skriflesing; Prediking

Antwoorddiens

Gebed; Liefdegawes; Sing Sb. 1-4: 1, 2, 3, 4; Seën; Amenlied Sb. 13-3.

MEELEWING

- Tom Larney (Groep 29 - 082 711 2502) het Donderdag 'n operasie ondergaan om 'n gewas van sy nier te verwyder. Hy sterk aan in Medi-Kliniek
- Tannie Kosie Kruger is in die Provinciale Hospitaal opgeneem met gangreen in haar een voet en sy loop die gevaar om die voet te verloor.
- Christa Pienaar (Groep 27 - 072 731 5667) het bloedtoetse ondergaan wat aantoon dat daar iewers iets fout is en die dokters soek nog verder om vas te stel wat aan die gang is.
- Estette Bredenkamp (Groep 23 - 082 865 4381) was in Mooimed vir behandeling van baie hoë bloeddruk en verdikking van die hartwand. Sy sterk nou tuis aan.
- Janet van der Walt (Groep 7 - 082 493 1827) word nou baie swak vanweë chroniese siekte.
- June Kruger (Groep 28 - 082 853 1463) word steeds in 'n rehabilitasie sentrum in Pretoria behandel na haar rugoperasie. Sy vorder stadig maar seker.
- Adele Delport (Groep 41 – 082 532 8658) se pa het skielik verlede week en oor die Nagmaalnaweek baie verswak. Ons is dankbaar dat dit nou weer beter gaan.
- Daar is baie lidmate wat siek is aan griep, verkoue en bronchitis.

Ons bid dat die Here spoedig beterskap en herstel sal gee.

- Dana du Plessis se oupa is oorlede - ons innige meegevoel met die familie.

BAIE GELUK

Leonard en Yolandi Haasbroek se baba-seuntjie, Sarel-Francois is gebore.

ONDERSTEUNING VIR SIEKES

Vir ondersteuning of besoek deur die hospitaalbesoek-diensgroep, skakel hierdie week vir:
siekies@oosdoppers.co.za;
Ananda vd Walt (084 677 2928)

ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID

Srs Sannie Reyneke, Filina Coetsee, Marianne Kruger, Bettie Ras, Janet vd Walt, Hester Buys, Kosie Kruger, Therina vd Westhuizen en br Fanie Bezuidenhout.

SOSIALE MEDIA VIR ONS GEMEENTE:

Webblad: www.oosdoppers.co.za
Facebook: www.facebook.com/oosdoppers
Ons wil ook graag 'n vriendelike versoek rig, dat u nie op die gemeente se elektroniese sms-stelsel terug antwoord nie, maar asb die kerkkantoor bel of e-pos stuur.

AFKONDIGINGS

Die volgende aktiwiteite vind DV hierdie week plaas:

Vandag

Geen gebedsgroep

09:30 Oggenddiens

Tee en Koffie

Geen Kleuterbediening

Geen Katkisasie

18:00 Aanddiens

Maandag tot Woensdag is die kerkkantoor gesluit.

ANDER AFKONDIGINGS

- Liefdegawe vanoggend vir Barmhartigheid.
- Gawe by die deure vanoggend vir die Teologiese studentekas.
- Gawe volgende Sondag vir die Ekumenisiteit: Buitelands.
- Vrywillige bydrae vir voertuigsekuriteit in die bussies by deure.
- Diensbeurte: Groep 22 en 23.
Ds Piet is met verlof tot 17 Julie.

VERJAARSDAE

Baie geluk aan almal wat DV hierdie week verjaar!

Maandag, 29 Junie

Jbr Steven Bezuidenhout

Woensdag, 1 Julie

Sr Joke Botha	072 045 5149
Sr Rina Snyman (84)	076 795 9956

Donderdag, 2 Julie

Jsr Annabe Bester	
Sr Marelize Bredenhann	082 554 2541
Sr Christina Moraal	083 959 0033
Jbr Rianco Rheeder	
Jbr Fourie Stavast	
Sr Christina v Zyl	079 375 5815

Vrydag, 3 Julie

Sr Marie du Plessis	084 504 6640
Br Chris vd Walt	082 804 0487
Sr Kiettie Willemse	082 413 1782

Saterdag, 4 Julie

Sr Elmien Halgryn	083 566 7683
Sr Carlien Kahl	072 879 8126
Br Antonie Labuschagne	082 320 8907
Br Buks Scheepers (82)	083 677 7782

BYBELS VIR Judea Harvest/Bibles for Believers

Baie dankie aan elke lidmaat wat Bybels ingebring het wat nie meer gebruik word nie. Ons skenk 'n totaal van 91 Bybels aan die organisasie.

KENNISGEWING: ONTBINDING VAN DIE GEREFORMEERDE KERK DELPORTSHOOP

Dit is met leedwese dat ons in die kerkverband bekend maak dat die Gereformeerde Kerk Delportshoop DV op 30 Junie 2015 sal ontbind. Weens verskeie redes het dit vir die Gereformeerde Kerk Delportshoop onmoontlik geword om as selfstandige gemeente voor te bestaan. Dit is hartseer dat hierdie gemeente met sy ryk geskiedenis van 101 jaar tot op hierdie punt moes kom om te ontbind. As gevolg van die ontbinding van die gemeente sal die lidmate van die Gereformeerde Kerk Delportshoop voortaan inskakel by een van die

volgende twee gemeentes nl. die Gereformeerde Kerk Daniëlskuil of die Gereformeerde Kerk Kimberley. Ons bede is dat elkeen van die lidmate die beste versorging en geestelike groei sal ervaar by die gemeentes waarby hulle inskakel.

BILTONGAAND - 14 AUGUSTUS

Broers en Susters

Ons herinner almal aan die Biltongaand wat hierdie jaar op Vrydag 14 Augustus plaasvind. Die Biltongaand was nog altyd een van die lekkerste byeenkomste op ons Oosdopper kerkkalender en beloof om weer 'n heerlike, gesellige kuieraand te wees.

Ons doen 'n beroep op ons susters om jouself asb as gasvrou beskikbaar te stel.

Vir enige navrae kan u gerus met enige van die volgende susters kontak maak:

Rieëtte Venter, Susan Steyn en
Em Volschenk

Sustergroete

GAWEVEILING 2015

Ongeveer 6 jaar gelede het ons met groot vrug die eerste gaweveiling in die gemeente gehou. Dit was baie groot pret en dis nou weer sulke tyd. Op **Vrydagaand, 18 September**, gaan ons weer 'n gaweveiling hou. Die doel met die veiling is om fondse vir ons gemeente in te samel, asook om gesellig saam te wees.

Die gaweveiling werk soos volg:

Elke lidmaat in die gemeente is geseënd met gawes wat God aan ons gegee/geleen het. So kan elkeen wat sy weg oopsien, van sy gawes skenk om op die veiling te verkoop. Ons wil dit graag benadruk dat dit nie 'n witolifant- of skrootveiling is nie.

Gaan dink bietjie kreatief oor die gawes/seëninge wat jy kan aanbied, byvoorbeeld:

- Houtwerk: skenk 'n handgemaakte hout item;
- Beskuitbak: skenk 5kg beskuit;
- Geseënd met 'n vakansiehuis iewers: skenk 'n week of twee;
- Jou professionele dienste: opstel van 'n testament, wiskundeklasse, klavier-

- lesse, rekenaarvaardigheidslesse, ens.;
- 'n ete of twee, babaoppasdiens, 'n geskenkmandjie, ens.

Ons hou dan 'n gaweveilingaand met iets te ete en te drinke. Terwyl ons gesellig saam verkeer, het ons 'n bekkige afslaer wat die gawes per veiling verkoop. Alles word verkoop sonder reserwepryse.

Kom broers en susters, skenk jou gawes/seëninge en ons verkoop dit! Skakel gerus vir Christo van der Walt (083 644 6194) of Rieëtte Venter (082 898 4197) as jy iets het vir die veiling of meer inligting wil hê.

Baie dankie vir jou ondersteuning soos in die verlede.

Die Gaweveiling-span

KENNISGEWINGBORD

- 2-slaapkamerwoonstel te huur

IS DIT VIR MY OOK?

En toe die engele van hulle weggegaan het na die hemel, sê die herders vir mekaar: Laat ons dan na Bethlehem gaan en hierdie ding sien wat gebeur het, wat die Here aan ons bekend gemaak het. Luk. 2: 15.

Na 'n Kerspreek van so 'n ietsie koper as een minuut en 'n slotsang deur die hemelse koor, het die herders tot geloof gekom en gevind en ervaar dat die Kind inderdaag hulle Redder is. Hoe maklik en eenvoudig kom mense in die Bybel tot geloof! Hulle redeneer nie, maar doen eenvoudig. Tussen hierdie eerste eenvoudige Kerspreek en ons lê berge van theologiese debatte. Hoe goed en noedsaaklik die teologie op sigself ook is, dit kan nooit die eenvoudige preek en die geloofsantwoorde daarop vervang nie. Die eenvoud van die preek lê egter huis in die kuns om alles wat skeiding maak tussen Jesus en ons - ook onnodige redenasies en "geleerdheid" - op te ruim. Hierin lê ook die taak van die teologie, nl. om die oorspronklike evangelieboodskap suiwer te hoor en so die prediking te dien.

Hoe kan ons nie die arme dom herders beny nie! Toe die kortste en beste Kerspreek (een minuut!) oor was, het hulle genoeg gehoor om

die Saligmaker te vind.

As die herders afgevaardigdes na 'n sinode was, sou hulle dalk eindeloos oor di epreek geredeneer het sonder om dit te gehoorsaam en te doen. Hulle sou die preek ontrafel het: ja, die engel het wel gesê "dat vir julle vandag gebore is die Saligmaker" en: "Ek bring julle 'n goeie tyding van groot blydskap", maar wie is die "julle"? Is dit vir my ook? Gelukkig kon die herders goed hoor en het hulle onmiddellik geweet dat hierdie boodskap nie aan die sterre of die skape gerig was nie, maar aan hulle. Jy is nou eenmaal jy - nie 'n ander nie. Gods Woord noem altyd die afsender en die geadresseerde. Die afsender is God, die Betroubare, wat nie kan lieg nie en nooit geekskeer nie, maar altyd bedoel wat Hy sê. die geadresseerde is: Elkeen wat dit hoor, elke onwaardige, soos die herders.

Na die preek het hulle nie getwyfel nie omdat hulle seker was van die waarheid van God se goeie nuus. Hulle het uit die preek tot die saaklike en enigste wettige gevolgtrekking gekom: "Laat ons dan na Bethlehem gaan en hierdie ding sien wat gebeur het, wat die Here aan ons bekend gemaak het."

Is dit nie aangrypend kinderlik nie? Geen enkele swaardwigtige betoog nie. Net doen wat God gesê het. Hulle ken nie eens die twyfelvraag: "Is dit nou werklik vir my ook" nie? Die herders sou by so 'n vraag verontwaardig uitgeroep het: Wil jy twyfel aan Gods Woord? Hulle glo - en daarna ervaar hulle dit. Dit moet ons nie omdraai nie. Ons kan nie eis om eers te ervaar en dan te glo nie.

Leer van die herders en word wys.

Luk. 2: 8-20

BEROEPE NUUS

BEROEPE ONTVANG

Ds MJJ Erasmus [Boeta] van Wolmaransstad na Outjo/Biermanskool-kombinasie

Oosdoppertjie antwoorde:

1 Tempel; 2 Koop; 3 Geld; 4 Duiwe
5 Gebed; 6 Rowersnes; 7 Uit; 8 Lees

Susters



Hand 2 : 46 - 47a

"Hulle het almal elke dag getrou by die tempel bymekaar gekom, van huis tot huis die gemeenskaplike maaltyd gehou, hulle kos met blydskap in alle eenvoud geëet en God geprys."

Dankie aan elke suster vir haar dienswerk in ons
Here se kerk

TEESKINKGELEENTHEID

Tee word vandag in die Skuur bedien onder die leiding van Christa Pienaar (groep 21); Shantell Andersen (groep 35) en Anine Korb (groep 36).

Baie dankie aan die groepsusters en hul groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

SUSTERSBYDRAE

Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoordeeltes en daar word jaarliks aan verskillende verdienstelike instansies, hoofsaaklik in Potchefstroom, donasies gegee.

Kyk gerus uit vir ons bruinkoevert waarin jy jou sustersbydrae kan sit en in die kluis kan gooi! (Beskikbaar op die tafel in die kerk se portaal en ook in die skuur se portaal)

BAIE DANKIE AAN ONS BORG VAN DIE WEEK!



Sanet Ras Prokureurs

OPSTEL VAN TESTAMENTE.
BEREDDERING VAN BOEDELS.
ALLE EIENDOMSTRANSAKSIES.


Van Riebeeckstraat 101, Potchefstroom
Tel: (018) 294-8953 k/u

OOSDOPPERTJIES

VAKANSIE-PRET

Lees Mat. 21: 12-17 om die blokkiesraaisel in te vul.

1. Waarheen het Jesus gegaan?
2. In die tempelplein het mense ge____ en
3. Wat het die mense by die tafels gewissel?
4. Wat het die mense onder andere verkoop?
5. **Jesus sê aan die mense:** "My huis sal 'n huis van _____ wees,
6. maar julle maak dit 'n _____."
7. Jesus het die kopers en verkopers uit die tempel ____ gejaag.
8. Jesus antwoord hulle: "Het julle dan nooit ge____ nie?"



NUUS UIT DIE BYBELKOERANT

WYN UIT WATER!

KANA. - 'n Bruidegom is vandeelsweek hier uit 'n groot verleentheid gered toe dit so jolig op sy bruilof gegaan het dat sy wynvoorraad skoon opgeraak het. Een van die gaste, 'n jong rabbi met die naam Jesus, het tot sy redding gekom toe hy nog wyn gemaak het uit die reinigingswater wat in klipkanne in die portaal gestaan het. Gaste raak liries oor die "lekkerste wyn wat ons nog ooit geproe het".



Die rabbi wou nie kommentaar lewer nie, maar sy moeder, Maria van Nasaret, sê dat hy 'n baie besondere man is wat van God gestuur is. Sy het gesê dit was net sy eerste wonderwerk, en dat groot dinge nog van hom verwag kan word.



Lees meer hieroor in Joh. 2: 1-12